

黃氏逸書考

通德堂經解

逸書考

孝經解

甘泉黃奭學

序

孝經者三才之經緯五行之綱紀孝爲百行

之首經者至易之稱

玉海四十一

春秋有呂國而

無甫侯

禮記緇衣正義

僕避兵於南城之山棲遲巖

石之下念昔先人餘暇述夫子之志而注孝

經焉

大唐新語九

太平御覽四十二地部

開宗明義章

仲尼尻

仲尼孔子字

日本國岡田本

尻尻講堂也

釋文

曾子侍

曾子孔子弟子也

岡田本

子曰先王有至德要道

子者孔子

岡田本

禹三王最先者至德孝悌

也要道禮樂也

釋文

以順天下民用和睦上下無怨

以用也睦親也至德以教之要道以化之

是以民用和睦上下無怨也

岡田本

參不敏

參名也參不達

岡田本

敏猶達也

儀禮鄉射記疏

夫孝德之本也

人之行莫大於孝故爲德本

正義釋文有人之行三

字岡田本末句作故曰德之本也

教之所由生也

教人親愛莫善於孝故言教之所由生

岡田本

身體髮膚受之父母不敢毀傷

父母全而生之已當全而歸之

正義

以顯父母

父母得其顯譽也者

釋文

始於事親中於事君終於立身

父母生之是事親爲始四十彊而仕是事

君爲中七十致仕是立身爲終也

正義釋文四

十作冊又有行步不逮縣車六字

大雅云無念爾祖

雅者正也方始發章以爲正始

正義

大雅者

詩之篇名無念無忘也聿述也修治也爲

孝之道無敢忘爾先祖當修治其德也

岡田

本釋文有無念無忘也五字

天子章

愛親者不敢惡於人

愛其親者不敢惡於他人之親

岡田本

敬親者不敢慢於人

己慢人之親人亦慢己之親故君子不爲

也

岡田本

愛敬盡於事親

盡愛於母盡敬於父

岡田本

而德教加於百姓

敬以直內義以方外故德教加於百姓也

岡田本

刑於四海

刑岡田本作形

形見也德教流行見四海也

岡田本文有刑見二

字

蓋天子之孝也

蓋者謙辭正義

呂刑云一人有慶兆民賴之

引辟連類文選孫子荆為石書錄王事故

證天子之章以為引類得象正義案書

申明鄭注之文鄭注止引引類得象四字釋文有引辟二字億萬曰兆

天子曰兆民諸侯曰萬民五經算術上呂刑尙

書篇名一人謂天子天子為善天下皆賴

之岡田本

諸侯章

在上不驕高而不危

諸侯在民上故言在上敬上愛下謂之不

驕故居高位而不危殆也

岡田本釋文有危殆二字

制節謹度滿而不溢

費用約儉謂之制節慎行禮法謂之謹度

無禮爲驕奢泰爲溢

正義釋文有費用約儉奢泰爲溢八字

岡田本首二句同慎行禮法句作奉行天子法度謂之謹度下有故能守法而不

驕溢也九字而無無禮二句

高而不危所以長守貴也

居高位能不驕所以長守貴也

綱田

滿而不溢所以長守富也

雖有一國之富而不奢泰故能長守富

綱田

本

富貴不離其身

富能不奢貴能不驕故云不離其身

綱田

釋文不離上有富貴二字

然後保其社稷

上能長守富貴然後乃能保其社稷田本

社謂后土周禮封人疏

而和其民人

薄賦斂省徭役是以民人和也岡田本釋文有薄

賦斂省徭役六字

蓋諸侯之孝也

列土封疆謂之諸侯周禮大宗伯疏釋文有列土封疆四字

詩云戰戰兢兢如臨深淵如履薄冰

戰戰恐懼兢兢戒慎如臨深淵恐墜如履

薄冰恐陷

本岡田

義取爲君恒須戒懼

明皇

臨二句作臨深恐墜履薄恐陷增義取爲君恒須戒懼八字正義曰此依鄭注也

釋文有戰兢兢恐墜恐陷八字

卿大夫章

非先王之法服不敢服

法服謂日月星辰山龍華蟲藻火粉米黼

黻皆文繡

北堂書鈔八十六

龍服華蟲服藻火服粉米皆

謂文繡也

先王制五服天子服日月星辰

諸侯服山龍華蟲大夫服藻火士服粉米

孝經解

書鈔一百二十八無先王制五服五服五字

周禮小宗伯疏引先王制五服日月星辰

服諸侯服山龍云云案日月星辰服日月星辰

詩注引大夫田獵戰伐卜筮冠皮弁衣素

積百王同之不敢易儀禮少牢饋食禮疏

詩六月正義引田獵戰伐冠素積七字

井先王之法言不敢道岡田本

不合詩書則不敢道岡田本

井先王之德行不敢行

不合禮樂則不敢行岡田本禮以檢奢釋文

是故非法不言非道不行

非詩書則不言非禮樂則不行

岡田本

三者備矣

法先王服言先王道行先王德則爲備矣

岡田本

然後能守其宗廟

爲作宮室

釋文

蓋卿大夫之孝也

張官設府謂之卿大夫

禮記曲禮正義

夙夜匪懈以事一人

夙早也夜暮也一人天子也卿大夫當早

起夜臥以事天子勿懈惰

岡田本釋文有夜暮也解惰

五匪非也懈惰也

華嚴音義二十

士章

資於事父以事母而愛同

資者人之行也

釋文公羊定四年疏

事父與母愛

同敬不同也

岡田本

資於事父以事君而敬同

事父與君敬同愛不同

岡田本

兼之者父也

兼並也愛與母同敬與君同并此二者事

父之道也

岡田本

故以孝事君則忠以敬事長則順

移事父孝以事於君則爲忠矣移事兄敬

以事於長則爲順矣

正義岡田本

忠順不失以事其上

事君能忠事長能順二者不失可以事上

也

岡田本

然後能保其祿位

食稟為祿

釋文為下缺祿字

而守其祭祀

始為曰祭

釋文一本作始曰為祭

士之孝也

別是非

釋文

案白虎通通古今辯然否謂之士別是非猶之辯然否也

夙興夜寐無忝爾所生

忝辱也所生謂父母士為孝當早起夜臥

無辱其父母也

岡田本 案明皇注興此

疑誤說

庶人章

用天之道

春生夏長秋收冬藏順四時以奉事天道

岡田本 釋文正義 俱有春生夏長八字

分地之利

分別五土視其高下若高田宜黍稷下田

宜稻麥邱陵阪險宜種棗栗

初學記卷五 太平御覽

三十六

正義以分別五土二句爲鄭注釋文有分別五土邱陵阪險宜棗栗十

一字

謹身節用以養父母此庶人之孝也

行不爲非度財爲費什一而出無所復謙

釋文

行不爲非爲謹身富不奢泰爲節用度

財爲費父母不乏也

岡田本

故曰天子至於庶人孝無終始而患不及者未之有也

患禍也書曰天道福善禍淫又曰惠迪吉

從逆凶正義總說五孝上從天子下至庶人

皆當孝無終始能行孝道故患難不及其

身未之有者言未之有也岡田本釋文

其身也善未之有也十三字正義有善未有也四字

三才章

甚哉孝之大也

語喟然釋文上從天子下至庶人皆當爲孝

無終始曾子乃知孝之爲大岡田本

夫孝天之經也

春秋冬夏物有死生天之經也

岡田本

地之義也

山川高下水泉流通地之義也

岡田本

民之行也

孝悌恭敬民之行也

岡田本 釋文有孝悌恭敬四字

天地之經而民是則之

天有四時地有高下民居其間當是而則

之

岡田本

則天之明

則視也視天四時無失其早晚也

岡田本

因地之利

因地高下所宜何等

岡田本

以順天下是以其教不肅而成

以用也用天四時地利順治天下下民皆

樂之是以其教不肅而成也

岡田本釋文有民皆樂

之四字

其政不嚴而治

政不煩苛故不嚴而治也

岡田本釋文有政不煩苛四

民國甲戌

孝經解

士江都朱氏

字

先王見教之可以化民也

見因天地教化民之易也

正義

岡田本釋文有民

之易也四字

是故先之以博愛而民莫遺其親

先修人事人事流化於民也

岡田本

陳之以德義而民興行

上好義則民莫敢不服也

岡田本

釋文有上好義三字

先之以敬讓而民不爭

若文王敬讓於朝虞芮推畔於田則下效

之

釋文 岡田本田作野下有上行之三字又效之下有法字

道之以禮樂而民和睦

上好禮則民莫敢不敬

岡田本

示之以好惡而民和敬

善者賞之惡者罰之民知禁不敢爲非也

岡田本

赫赫師尹民具爾瞻

若豕宰之屬也女當視民

釋文 詩節南山疏

民國甲戌

孝經解

十三江都朱氏

孝治章

昔者明王之以孝治天下也不敢遺小國之臣而況於公侯伯子男乎故得萬國之懽心以事其先王

昔古也

公羊序疏

聘問天子無恙五年一朝郊

迎芻禾百車以客禮待之夜設庭燎當爲

王者侯者候伺伯者長男者任也德不倍

別優五年一巡守勞來

釋文

古者諸侯五年

一朝天子使世子郊迎芻米百車以客禮

待之晝坐正殿夜設庭燎思與相見問其

勞苦也

太平御覽一百四十七 周禮大行人疏引鄭注世子郊迎 儀禮

覲禮疏引鄭注天子使世子郊迎德不倍者不異其爵功

不倍者不異其土故轉相半別優劣諸侯

五年一朝天子天子亦五年一巡守

禮記王制

正義古者諸侯歲遣大夫聘問天子天子待

之以禮此不遺小國之臣者也

岡田本下有古者諸

侯五年一朝天子天子使世子郊迎至待之與御覽同諸侯五年一

朝天子各以其職來助祭宗廟是得萬國

之歡心事其先王也

岡田本

治國不敢侮於鰥寡

治國者諸侯也

岡田本

丈夫六十無妻曰鰥

婦人五十無夫曰寡

詩桃天正義王制正義

禮記

子廣韻二十八山無丈夫婦人四字文選潘安仁關中詩注引五十無夫曰寡

治家者不敢失於臣妾之心

理家謂卿大夫

正義

臣男子賤稱

妾女子賤稱釋文

故得人之懽心以事其親

小大盡節養

釋文

案養字當在下文則致其樂上

夫然故生則親安之

養則致其樂故親安之也

岡田本案釋文有則致其樂

四字養字誤在上盡節下

祭則鬼饗之

祭則致其嚴故鬼饗之也

岡田本

是以天下和平

上下無怨故和平

岡田本

灾害不生

風雨順時百穀成熟

岡田本

民國甲戌

孝經解

古江都朱氏

補刊

禍亂不作

君惠臣忠父慈子孝是以禍亂無緣得起

也

岡田本

故明王之以孝治天下也如此

故上明王所以災害不生禍亂不作以其

孝治天下故致於此

岡田本

有覺德行四國順之

覺大也義取天子有大德行則四方之國

順而行之

正義 岡田本無義取天子四字四上方上無則字行之下有也

字

聖治章

天地之性人爲貴

貴其異於萬物也

正義岡田本同

人之行莫大於孝

孝者德之本又何加焉

岡田本

孝莫大於嚴父

莫大尊嚴其父

岡田本

嚴父莫大於配天

民國甲戌

孝經解

十五江都朱氏

尊嚴其父莫大於配天生事愛敬死爲祀

主也

岡田本

則周公其人也

尊嚴其父配食天者周公爲之

岡田本

昔者周公郊祀后稷以配天

祀感生之帝以帝嚳配祭圜丘

正義配靈威

仰也

通典

郊者祭天名后稷者周公始祖

岡田

本

宋書禮志三

引郊者祭天之名

宗祀文王於明堂以配上帝

文王周公之父明堂者天子布改之宮上

帝者天之別名

岡田本

明堂居國之南明陽

之地故曰明堂

南齊書九

明堂之制八窗四闔

上圓下方在國之南

王海九十五

御覽

入窗四闔入字

上帝者天之別名也神無二主故

異其處避后稷也

史記封禪書集解

後

上有明堂者天子布政之堂九字

舊唐

書禮儀志一引亦有明堂者九字而無避

后稷也四字又唐書王仲邱傳引上帝

亦天也神無二主但異其處以避后稷數

句宋書禮志三引末句作故明堂異處

以避后稷餘俱與後漢志同釋文有故

明堂異處避
后稷也入字

各以其職來助祭

周公行孝於朝越嘗重譯來貢是以得萬

國之歡心也

岡田本釋文有於朝越嘗重譯六字

夫聖人之德又何以加於孝乎

孝悌之至通於神明豈聖人所能加

岡田本

聖人因嚴以教敬因親以教愛

因人尊嚴其父教之爲敬因親近於其父

教之爲愛順人情也

岡田本案釋文有致其樂親近於母七

字此親近於其
父父當作母

聖人之教不肅而成其政不嚴而治

聖人因人情而教民民皆樂之故不肅而
成也其身正不令而行故不嚴而治

岡田本

釋文有不令
而行四字

其所因者本也

本謂孝也

正義
岡田本

父子之道天性也君臣之義也

性常也君臣非有天性但義合耳也

岡田本

民國甲戌

孝經解

十七

江都朱氏

父母生之續莫大焉

父母生子骨肉相連屬復何加焉

岡田本
釋文

有復何加
焉四字

君親臨之厚莫重焉

君親擇賢顯之以爵寵之以祿厚之至也

岡田

本

故不愛其親而愛他人者謂之悖德

人不能愛其親而愛他親者謂之悖德

岡田

本

不敬其親而敬他人者謂之悖禮

不能敬其親而敬他人之親者謂之悖禮

也

岡田本

以順則逆

以悖爲順則逆亂之道也

岡田本

民無則焉

則法

岡田本

不在於善而皆在於凶德

惡人不能以禮爲善乃化爲惡若桀紂是

民國甲戌

孝經解

十六江都朱氏

補刊

爲善

岡田本釋文若桀紂是也正義

也字

君子則不然言思可道

君子不爲逆亂之道言中詩書故可傳道

也

岡田本釋文有言中詩書四字

行思可樂

動中規矩故可樂也

岡田本

德義可尊

可尊法也

岡田本

作事可法

可法則也

岡田本

容止可觀

威儀中禮故可觀

岡田本

進退可度

難進而盡中易退而補過

釋文 岡田本同中作忠

是以其民畏而愛之

畏其刑罰愛其德義

岡田本

則而象之

民國甲戌

孝經解

九江都朱氏

南刊

倣

釋文

故能成其德教

漸也

釋文

而行其政令

不令而伐謂之暴

釋文

淑人君子其儀不忒

淑善也忒儀也善人君子威儀不差可法

則也

國田本字

正義有淑善也忒差也大

文注引

忒差也

紀孝行章

居則致其敬

盡其敬禮也

釋文一本作盡其敬也

養則致其樂

樂竭歡心以事其親

岡田本

病則致其憂

色不滿容行不正履

正義

喪則致其哀

擗踊哭泣盡其哀情

正義十三

北堂書鈔九釋文有擗踊

民國甲戌

孝經解

三子江都朱氏

泣三字

祭則致其嚴

齊必變食敬忌踰

釋文案踰下脫踏字

齋戒沐浴

明發不寐

北堂書鈔八十八

居上不驕為下不亂

雖尊為君而不驕也為人臣下不敢為亂

也

岡田本

在醜不爭

忿爭為醜醜類也以為善不忿爭

岡田本

釋文

有不忿爭也四字

居上而驕則亡

富貴不以其道是以取亡也

岡田本

爲下而亂則刑

爲人臣下好作亂則刑罰及其身

岡田本釋文

作好亂則刑罰及其身也

在醜而爭則兵

朋友中好爲忿爭者惟兵刃之道

岡田本

三者不除雖日用三牲之養猶爲不孝也

民國甲戌

孝經解

三江都朱氏

夫愛親者不敢惡於人之親今反驕亂忿
爭雖日致三牲之養豈得爲孝乎
岡田本
釋文
有不敢惡於
人親六字

五刑章

五刑之屬三千

五刑者謂墨劓臠宮割大辟也

岡田
科條
本

三千謂劓墨宮割大辟穿窬盜竊者劓劫

賊傷人者墨男女不與禮交者宮割垣墻

開人關闔

案垣上闔下
俱有缺文

手殺人者大辟

釋文

要君者無上

事君先事而後食祿今反要君此無尊上

之道

岡田本

非聖人者無法

非侮聖人者不可法

岡田本釋文有非侮聖人者五字

非孝者無親

己不自孝又非他人爲孝不可親

岡田本

此大亂之道也

事君不忠侮聖人言非孝非孝者大亂之

孝經解

補刊

道也

岡田本 案釋文有人行者三字一本作非孝行此非孝非孝者當作非

孝行

廣要道章

教民親愛莫善於孝教民禮順莫善於悌

人行之次也

釋文

移風易俗莫善於樂

樂感人情者也惡鄭聲之亂樂也

釋文

夫樂

者感人情樂正則心正樂淫則心淫也

岡田

本

安上治民莫善於禮

上好禮則民易使也

釋文 岡田
本無也字

禮者敬而已矣

敬禮之本有何加焉

岡田本 正義敬者
禮之本也無下一句

故敬其父則子悅

盡禮以事

釋文

敬一人而千萬人悅所敬者寡悅者眾

所敬一人是其小千萬人悅是其眾

岡田本

此之謂要道也

孝弟以教之禮樂以化之此謂要道也岡田

廣至德章

非家至而日見之也

言教不必家到戶至日見而語之但行孝

於內其化自流於外正義釋文有而日語之但五字岡田

本但行孝於內流化於外也規讓中書令表注引非門到戶至而見之

又任彥升齊竟陵文宣王行狀注引非門到戶至而日見也

教以孝所以敬天下之為人父者也

天子無父事三老所以教天下孝也

岡田本

釋文有天子事三老五字事上疑脫父字

教以悌所以敬天下之爲人兄者也

天子無兄事五更所以教天下悌也

岡田本

釋文有天子兄弟五更六字案弟當作事

教以臣所以敬天下之爲人君者也

天子郊則君事天廟則君事尸所以教天

下臣

岡田本

愷悌君子民之父母

孝經解

補刊

以上三者教於天下真民之父母

岡田本

非至德其孰能順民如此其大者乎

至德之君能行此三者教於天下也

岡田本

廣揚名章

君子之事親孝故忠可移於君

以孝事君則忠

正義

欲求忠臣出孝子之門

故可移於君

岡田本

事兄悌故順可移於長

以敬事長則順

正義

以敬事兄則順故可移

於長也

岡田本

居家理故治可移於官

君子所居則化故可移於官也

正義岡田本則化

下多所在則治四字

是以行成於內而名立於後世矣

修上三德於內名自傳於後代

正義

諫諍章

是何言與

孔子欲見諫諍之端

釋文

民國甲戌

辛丑年

二五江都朱氏

天子有爭臣七人雖無道不失其天下

七人者謂大師大保大傅左輔右弼前疑

後丞維持王者使不危殆岡田本釋文有左輔右弼前

疑後丞使不危殆十二字注引七人謂三公前疑後丞左輔右弼

諸侯有爭臣五人雖無道不失其國大夫有

爭臣三人雖無道不失其家

尊卑輔善未聞其官岡田本

士有爭友則身不離於令名

令善也士卑無臣故以賢友助己岡田本

父有爭子則身不陷於不義

父失則諫故免陷於不義

正義

從父之令又焉得爲孝乎

委曲從父命善亦從善惡亦從惡而心有

隱豈得爲孝乎

岡田本

感應章

明王事父孝故事天明事母孝故事地察

盡孝於父視其分理也

釋文

盡孝於父則事

天明盡孝於母能事地察其高下視其分

察也

阿田本 察分
察當作分理

長幼順故上下治

卑事於尊幼順於長故上下治

阿田本

天地明察神明彰矣

事天能明事地能察德合天地可謂彰矣

阿田本

故雖天子必有尊也言有父也

雖貴爲天子必有所尊事之若父三老是

也

阿田本

謂養老也父謂君老也

禮記祭義
正義案君

是三字 治其國者上老故雖天子必有尊

也北堂書鈔

必有先也言有兄也

必有所先事之若兄五更是也岡田本

宗廟致敬不忘親也

設宗廟四時齋戒以祭之不忘其親岡田本

修身慎行恐辱先也

修身者不敢毀傷慎行者不厯危殆常恐

辱已先也岡田本

宗廟致敬鬼神著矣

事生者易事死者難聖人慎之故重文岡田

本義引舊注文上有其字釋文有重生者易故重其文也九字

孝悌之不通於神明光於四海無所不通

孝至於天則風雨時孝至於地則萬物成

孝至於人則重譯來貢故無所不通也岡田

本釋文有則重譯來貢五字

無思不服

義取德教流行莫不被義從化也正義云釋文有

莫不被三字 岡田本
作孝道流行莫敢不服

事君章

君子之事上也進思盡忠

上陳諫諍之義畢欲見死君難

釋文

死君之

難爲盡忠

文選曹子建三良詩注

故上下能相親也

君臣同心故能相親

岡田本

喪親章

孝子之喪親也

生事已畢死事未見故發此章

上義文有死事

未見四字

哭不依

氣竭而息聲不委曲

正義

禮無容言不文

不為趨翔唯而不對也

釋文禮無容觸地無

容言不文不為文飾

北堂書鈔九十三明皇注有觸地無容

不文飾入字正義云依鄭注

服美安

去文繡衣衰般也

釋文案般疑作服

聞樂不樂

悲哀在心故不樂也

正義釋文有故不樂也四字

食旨不甘

不嘗鹹酸而食粥

釋文

毀不滅性

毀瘠羸瘦孝子有之

文選謝希逸宋孝武宣貴妃誄注釋文

有毀瘠羸瘦四字

喪不過三年示民有終也

三年之喪天下達禮

正義

正不肖者企而及之

賢者俯而就之再期

釋文

爲之棺槨衣衾而舉之

周尸爲棺周棺爲槨

正義

衾謂單可以亢尸

而起也

釋文

案單下疑脫被字

陳其簠簋而哀感之

簠簋祭器受一斗二升方曰簠圓曰簋盛

黍稷稻粱器陳奠素器而不見親故哀感

也

北堂書鈔八十二圓外方受一斗二升

周禮舍人疏引內考工記旅人疏

引內圓外方者儀禮少牢饋食禮疏引
外方曰簋明皇注有簠簋祭器也陳奠
素器而不見親故哀感
也正義不云依鄭注

擗踊哭泣哀以送之

啼號竭情也

釋文

卜其宅兆

宅墓穴也兆塋域也葬事大故卜之

北堂書鈔

九十二正兆龜兆周禮小
義有末六字宗伯疏

爲之宗廟以鬼享之

宗尊也廟貌也親雖亡歿事之若生爲立

宮室四時祭之若見鬼神之容貌

詩清廟疏正

義引舊解宗尊也廟貌也言祭宗廟見先祖之尊貌也

春秋祭祀以時思之

寒暑變移益用增感以時祭祀展其孝思

也

北堂書鈔

四時變易物有成熟將欲食

之先薦先祖念之若生不忘親也

太平御覽五百

二十
五

生事愛敬死事哀感

無遺纖也

釋文

生民之本盡矣死生之義備矣孝子之事親
終矣

尋繹天經地義究竟人情也行畢孝成

文釋

民國甲戌

孝經解

三江都朱氏

附刊

通德堂經解

逸書考

箴左氏膏肓

甘泉黃奭學

隱公

元年傳不書卽位攝也膏肓云古制諸侯
幼弱天子命賢大夫輔相爲政無攝代之
義昔周公居攝死不記崩今隱公生稱侯
死稱薨何因得爲攝者

箴云周公攝政仍以成王爲主直攝其政事
而已所有大事稟王命以行之致政之後乃

死故卒稱薨不記崩隱公所攝則位亦攝之以桓爲太子所有大事皆專命以行攝位被殺在君位而死故生稱公死稱薨是與周公異也且公羊以爲諸侯無攝周公歸政就臣位乃死何得記崩隱公見死於君位不稱薨云何公羊云宋穆公云吾立乎此攝也以此言之何得非左氏

左傳正義及禮記明堂位正義

士踰月膏肓云禮士三月而葬今左氏云踰月於義左氏爲短

云禮人君之喪殯葬皆數來月來日士殯葬皆數死月死日尊卑相下之差數故大夫士俱三月其實不同士之三月及此字疑誤大夫之踰月也禮記王制正義人君殯數來日葬數往月大夫殯葬皆數來日來月士殯葬皆數往日往月士之三月大夫之踰月也左傳正義及禮記王制正義檀弓正義孔仲達以爲前以正禮而言後據春秋爲說

桓公

二年傳命大子曰仇弟曰成師始兆亂矣

膏肓謂左氏後有興亡由立名善惡引后

稷名弃以難

正義

鄭箴無考案正義云大子與桓叔雖竝因戰爲名而所附意異仇取於戰相仇怨成師取能成師衆緣名求義則大子多仇怨而成師有徒衆穆侯本立此名未必先生此意但寵愛少子於時已著師服知桓叔將盛故推出此理因解其名以爲諷諫欲使之強幹弱枝耳人臣

規諫若無端緒馮何致言以申己志非
謂人之立名必將有驗此足以補鄭氏
之箴

四年傳周宰渠伯糾來聘父在故名膏肓
云左氏宰渠伯糾父在故名仍叔之子何
以不名又仍叔之子以爲父在稱子伯糾
父在何以不稱子

箴云仍叔之子者譏其幼弱故略言子不名
之至於伯糾能堪聘事私覲又不失子道故

名且字也

正義

九年傳曹太子來朝賓之以上卿禮也膏
肅云左氏以人子安處父位尤非衰世救
失之宜於義左氏爲短

箴云必如所言父有老耄罷病孰當理其政

預王事也

正義

莊公

元年傳築王姬之館于外爲外禮也膏肅

缺

箴云宮廟朝廷各有定處無所館天子之女

故宜築于宮外

正義

六年傳驢甥聘甥養甥請殺楚子膏肓云
楚鄧彊弱相縣若從三甥之言楚子雖死
鄧滅曾不旋踵若剗腹去疾炊炭止沸左
氏爲短

箴云楚之彊盛從滅鄧以後於時楚未爲彊
何得云彊弱相縣

正義

十九年傳鸞拳可謂愛君矣膏肓云人臣

民國甲戌

箴左氏膏肓

四江都朱氏

諫君非有死亡之急而以兵臨君開纂弑

之路左氏以爲愛君於義左氏爲短

正義

箴云鬻拳同姓有不去之恩

詩柏舟正義

二十五年傳日有食之鼓用牲于社非常也膏肓云感精符云立推度以正陽日食則鼓用牲于社朱絲繫社鳴鼓脅之左氏云用牲非常明左氏說非夫子春秋於義左氏爲短

箴云用牲者不宜用春秋之通例此讖說正

陽朱絛鳴鼓豈說用牲之義也識用牲于社者取經完句耳

禮記祭法正義

僖公

二十二年傳君未知戰膏肓云左氏以其不用子魚之計至于軍敗身傷所以責襄公也而公羊善之云雖文王之戰亦不是過

箴云刺襄公不度德不量力考異郵云襄公大辱師敗于泓徒信不知權譎之謀不足以

交鄰國定遠疆也此是譏師敗也公羊不譏

違考異郵矣時義大明

二十三年傳杞成公卒書曰子杞夷也膏

肅云杞子卒豈當用夷禮死乎正義

三十一年傳夏四月四卜郊不從乃免牲

非禮也膏肅缺

箴云以魯之郊天惟用周正連子之月牲數

有災不吉改卜後月故或用周之二月三月

故有啟蟄而郊四月則不可禮記曲禮正義

原缺

義爲短

箴云禮天子於二王後之喪含爲先祔次之
賄次之賻次之於諸侯含之賄之小君亦如
之於諸侯臣祔之諸侯相於如天子於二王
之後於卿大夫如天子於諸侯於士如天子
於諸侯之臣何休云尊不含卑是違禮非經
意意似當其一人兼歸二禮亦是爲譏正義
作義疏亦引此條作釋廢疾末有京師去魯千里
王室無事三月乃含故不言來以譏之數句
九年傳秦人來歸僖公成風之祔禮也膏

盲云禮主於敬一使兼二喪又於禮既綏而左氏以之爲禮非也

箴云若以爲緩案禮衛將軍文子之喪旣除喪而越人來弔子游何得善之

正義

十八年傳此三族也世濟其凶增其惡以至于堯堯不能去膏盲云孔子云蕩蕩乎堯之爲君惟天爲大惟堯則之今如左氏堯在位數十年久抑元愷而不能育凶人以爲民害而不能去則孔

虛言也桀紂爲惡一世則誅四凶歷數
歲而無誅放易云積不善之家必有餘

虛言也左氏爲短

正義正

堯不去四凶君人之度也堯有欽明之
德非不知人故驩兜舉共工則折之曰
靜言庸違象恭滔天四岳舉鯀則折之
曰方命圯族厥時四凶罪惡未大著自
可包荒舜臣堯而鯀湮洪水之罪已成
三凶皆其黨與因揭其罪而流之放之

殛之是又舜以善事君之大義二聖各有其道何以致難爲哉至傳云世濟其惡增其惡名亦史克之對欲明臣子去凶之義其言容不免失實非左氏傳義也何必致詰

宣公

二年傳失禮違命宜其爲禽也膏肓云休以爲狂狡近於古道

箴云狂狡臨敵拘於小仁忘在軍之禮譏之

義合于讖

詩大明正義

五年傳冬來反馬也膏肓云禮無反馬之法儀禮疏無而左氏以爲得禮禮婦人謂嫁曰歸則無大故不反于家經書高固及子叔姬來故譏乘行匹至

箴云冠義云無大夫冠禮而有其昏禮則昏

禮者天子諸侯大夫皆異也士昏禮曰主人

爵弁纁裳緇袍從者畢玄端乘墨車

左傳正義無緇

袍從者畢玄端七字詩正義無緇袍至墨車十字

從車二乘執燭前

民國甲戌

箴左氏膏肓

九江都朱氏

馬左傳正義詩正義均婦車亦如之有祫左傳

正義無有此婦車出於夫家則士妻始嫁乘

夫家之車也儀禮疏作此婦乘夫家之車詩正義無此婦車出於夫家七字

詩鵲巢云儀禮疏作之子于歸百兩御之又

曰之子于歸百兩將之將送也儀禮疏無將送也三字

此國君之禮左傳正義儀禮疏均無此字夫人始嫁自乘

其家之車也儀禮疏作自何彼穠矣篇云曷

不肅雍王姬之車言齊侯嫁女以其母王姬

之車遠送之左傳正義無何彼穠矣則天子

至遠送之二十九字

諸侯女嫁

左傳正義作嫁女誤

留其乘車可知也

儀禮疏

乘也

今高固大夫也來

左傳正義無今字儀禮疏無也來二字

反馬則大夫亦留其車也

儀禮疏無則也二字

禮雖散

亡

儀禮疏誤作言

以詩之義論之

儀禮疏無之義二字

大夫以

上至天子其嫁皆有留車反馬之禮

儀禮疏無其嫁

皆留車五字左傳正義無至天子三字詩正義引作天子以至大夫而無其嫁二字

留車妻之道也反馬壻之義也高固以秋九月

來

儀禮疏無以九來三字文脫也

逆叔姬冬來反馬則婦入

三月祭行乃行

左傳正義脫行字而儀禮疏則譌乃字為故

反馬

箴左氏膏盲

禮也

正義儀禮士昏疏詩鵲巢正義

九年陳殺其大夫洩冶傳孔子曰詩云民之多辟無自立辟其洩冶之謂乎膏盲云休以爲洩冶無罪

公羊宣十二年疏

臣之事君也有五諫一曰諷諫二曰順諫三曰直諫四曰爭諫五曰戇諫之五者各視其事之大小輕重各視其時之緩急而用之用得其道乃爲善諫陳靈公通夏姬衷袒戲朝幾亡國不諫則已

諫則當陳利害指禍福犯顏切諍俾其
君必改過自新誅二臣乃止治不知此
徒云民無傲焉且聞不令治以爲是可
動靈公之悔平治久與靈公處寧不識
其淫昏將以爲是數語者可使之必有
悛心除佞定國乎進不能感君以必改
退不能制二臣而礪之魄機不密則失
身卒致君弑國破治惡得以有此一諫
塞責哉休曰無罪蓋昧斯旨且休注公

羊亦云洩冶有罪而乃作膏盲以短左氏異矣

十年齊崔氏出奔衛傳非其罪也膏盲以爲公羊譏世卿而難左氏

正義

齊惠公時高固國佐諸人用事崔氏無聞焉杼父天唯城濮之戰一見他亦不著杼爲大夫在魯成公十七年此時未參國政何譏世卿之有五年公如齊高固使齊侯止公請子叔姬焉固之作福

作威甚矣崔氏無大惡高國徒以杼有寵惠公畏其偏因惠公卽世以私怨舉族逐之是其罪在高國故傳特釋之曰非其罪也公羊自失經義何氏乃據以難左過矣

成公

八年傳凡諸侯嫁女同姓媵之異姓則否膏盲云媵不必同姓所以博異氣今左傳異姓則否十年齊人來媵何以無貶刺之

文左氏爲短正義正

箴云禮稱納女於天子云備百姓於國君云

備酒漿

正義正

天子云備百姓博異氣諸侯直云

備酒漿

穀梁成十年疏

不得云百姓是不博異氣也

正義正

何得有異姓在其中

穀梁成十年傳

齊是大國今

來媵我得之爲榮不得貶也

正義正

十四年傳舍族尊夫人也膏肓云左氏誤

孫僑如舍族爲尊夫人案襄二十七年豹

及諸侯之大夫盟復何所尊而亦舍族

秋之例一事再見者亦以有文耳左氏爲短

箴云左氏以豹違命故貶之而去族今僞如無罪而亦去族故以爲尊夫人也春秋有事異文同則此類也

正義

十七年傳范文子反自鄢陵使其祝宗祈死六月戊辰士變卒膏肓云休以爲人生有三命有壽命以保度有隨命以督行有遭命以摘暴未聞死可祈也昔周公之隆

天不出妖地不出孽陰陽和順災害不生
武王有疾周公楹璧秉圭願以身伐武王
疾愈周公不夭由此言之死不可祈偶自
天祿欲盡矣非果死今左氏以爲果死因
著其事以爲信然於義左氏爲短公羊襄
年疏左傳正義無昔周公
至左氏爲短八十二字

十八年傳所以復霸也膏育云霸不過五
案鄭云何休以霸不
過五當是膏育之語

箴云天子衰諸侯興故曰霸夏有昆吾商有

豕韋大彭周有齊桓晉文此最疆者也故書
傳通謂彼五人爲五霸耳但霸是疆國爲之
天子旣衰諸侯無主若有疆者卽營霸業其
數無定限也而何休以霸不過五不許悼公
爲霸以鄉曲之學足以忿人傳稱文襄之霸
襄承文後紹繼其業以後漸弱至悼乃疆故
云復霸正義

襄公

七年傳夫郊祀后稷以祈農事也是故啟

蟄而郊郊而後耕膏肓云孝經云郊祀后
稷以配天宗祀文王於明堂以配上帝止
言配天不言祈穀

箴云孝經主說周公孝以必配天之義本不
爲郊祈之禮出是以其言不備月令孟春元
日祈穀于上帝先卽郊天也後乃擇元辰天
子親載耒耜躬耕帝籍是郊而後耕二者之
禮獻子之言合是郊天之與祈穀爲一祭也

詩噫嘻
正義

十一年傳季武子將作三軍齊肅云左氏
說云尊公室休以爲與舍中軍義同於義
左氏爲短

箴云左氏傳云作三軍三分公室各有其一
謂三家始專兵甲卑公室云左氏說云尊公
室失左氏義遠矣正義

十一年傳晉侯以樂之半賜魏絳膏肓缺
箴云大夫士無樂小胥大夫判縣士特縣者
小胥所云樂身之樂及治人之樂則有之也

故鄉飲酒有工歌之樂是也說題辭云無樂者謂無祭祀之樂也故特牲少牢無樂

禮記曲禮

下正義

十九年傳於四月丁未鄭公孫薑卒赴於晉大夫范宣子言於晉侯以其善於伐秦也六月晉侯請於王王追賜之大路使以行禮也膏肓云天子車稱大路諸侯車稱路車大夫稱車今鄭子蟯諸侯之大夫耳當與天子士同賜其車而名之曰大路非

正也孔子曰惟名與器不可以假人名不正則言不順於義左氏爲短

箴云卿以上所乘車皆曰大路詩云彼路斯

何君子之車此大夫之車乘路也王制卿爲

大夫

詩采薇正義

案周禮天子衮冕上公亦稱衮

冕天子析羽爲旌諸侯及大夫亦稱旌又天

子樂官大師鄉飲酒禮君賜樂亦稱大師此

皆名同乎上則卿大夫之路何獨不可同之

於天子大路之名乎

詩韓奕正義引作大夫亦得稱路者以路名本

施人君則其散文卿大夫亦得稱路耳何休之難非也正義

二十二年傳臧武仲如晉雨過御叔御叔在其邑將飲酒曰焉用聖人我將飲酒而已雨行何以聖爲膏肓云說左氏傳者曰春秋之志非聖人孰能修之言夫子聖人乃能修之御叔謂臧武仲爲聖人是非獨孔子

箴云武仲者述聖人之道魯人稱之曰聖人使如晉過御叔御叔不說學見武仲而雨行

傲之云焉用聖人爲左氏傳載之者非御叔
不說學不謂武仲聖與孔子同調禮大
司徒疏

二十四年傳鄭行人公孫揮如晉聘程鄭
問曰敢問降階何由子羽不能對歸以語
然明然明曰是將死矣不然將亡貴而知
懼懼而思降乃得其階下人而已又何問
焉且夫旣登而求降者知人也不在程鄭
其有亡覺乎不然其有惑疾將死而夢也
膏肓云善言者君子所尚有小人道之輒

爲死徵是善言不可出口

案正義云此未得傳之意也然明者鄭之知人知程鄭以佞媚嬖倖得升卿位非有謙退止足之心今忽問降階是改其常度以其改常知其將死故疑其知將有亡釁惑疾而憂故能出此語耳善言非其常所以知其將死非謂口出善言卽當死也趙文子賢人也將死其言偷程鄭小人也將死其言善俱是失常

無所怪惑也此足補鄭箴之缺

昭公

四年傳雹之爲災誰能禦之七月之卒章
藏冰之道也膏肓云春秋書雹以爲政之
所致非由冰也若今朝廷藏冰亦不於深
山窮谷何得或無雹天下郡縣皆不藏冰
何故或不雹若言有之於古者必有驗於
今此其不合於義失天人相與之意

箴云雨雹政失之所致是固然也國之失政

君子知其大者其次知其小者藏冰之禮凌
人掌之月令載之豳詩歌之此獨非政與故
其小者耳夫深山窮谷固陰沍寒極陰之處
冰凍所聚不取其冰則氣蓄不洩結滯而爲
伏陰凡雨水陽也雪雹陰也雨水而伏陰薄
之則凝而爲雹雨雪而愆陽薄之則合而爲
霰申豐見時失藏冰之禮而有雹推之陰陽
知此伏陰所致亦聖人之寓言也詳載其言
者以著藏冰之禮不可廢耳

正義

七年傳子產立公孫洩及良止子大叔
其故子產曰鬼有所歸乃不爲厲吾爲之
歸也大叔曰公孫洩何爲子產曰說也爲
身無義而圖說從政有所反之以取媚也
膏肓云孔子不語怪力亂神以鬼神爲政
必惑衆故不言也今左氏以此令後世信
其然廢仁義而祈福於鬼神此大亂之道
也子產雖立良止以託繼絕此以鬼賞罰
要不免於惑衆豈當述之以示季末

箴云伯有惡人也其死爲厲鬼厲者陰陽之
氣相乘不和之名尙書五行傳六厲是也人
死體魄則降知氣在上有尙德者附和氣而
興利孟夏之月令雩祀百辟卿士有益於民
者由此也爲厲者因害氣而施灾故謂之厲
鬼月令民多厲疾五行傳有禦六厲之禮
天子立七祀有大厲諸侯立五祀有國
以安鬼神弭其害也子產立良止使祀
以弭害乃禮與鴻範之事也子所不

亂神謂虛陳靈象於今無驗也伯有卒厲
著明若此而何不語乎子產固爲衆愚將
故并立公孫洩云從政有所反之以取媚也
孔子曰民可使由之不可使知之子產達於
此也

正義

十八年傳夏五月火始昏見丙子風梓潼
曰是謂融風火之始也七日其火作乎戊
寅風甚壬午大甚宋衛陳鄭皆火梓慎登
大庭氏之庫以望之曰宋衛陳鄭也數日

皆來告火膏盲云宋衛陳鄭去魯皆數千

里謂登高以見其火豈實事哉

正義

箴云孔子登泰山見吳門之白馬離婁觀千里之豪末梓愼既非常人何知不見數百里之煙火孔子在陳知桓僖災者豈復望見之乎若見火知災則人皆知之矣何貴乎梓愼左氏傳而編記之哉且四國去魯纔數百里而何休云數千里雖意欲其遠亦虛妄之極梓愼所望自當有以知之不知見何氣知其

災也

正義引劉炫云玄卿以爲孔子登泰山云云玄卿當指康成

二十六年傳昔先王之命曰王后無適則擇立長年鈞以德德鈞以卜王不立愛公卿無私古之制也膏肓云休以爲春秋之義三代異建適媵別貴賤有姪娣以廣親疏立適以長不以賢立子以貴不以長王后無適明尊之敬之義無所卜筮不以賢者人狀難別嫌有所私故絕其怨望防其覬覦今如左氏言年鈞以德德鈞以卜

左傳

正義脫休以爲至君之所賢人必從之左傳

以卜八十五字正義君之作人焉能使王不立愛也豈復

有卜若其以卜周禮疏脫若隱桓之禍皆

由是興禮記正義之禍作乃曰古制不亦

謬哉禮記正義脫豈復至謬矣二十四字又大

夫不世如并爲公卿通繼世之禮左傳正義大夫

上無又字世下有功字左氏爲短

箴云立適以長不以賢固立長矣周禮疏無

賢五字立作以無適而立子以貴不以長固立貴矣

禮記正義脫無適而三字立作若長鈞貴鈞

何以別之故須卜禮有詢立君卜立君是有

卜也

周禮疏脫若長鈞貴鈞至是有卜也二十四字

今言無適則擇

立長謂貴鈞始立長王不得立愛之法年鈞

則會羣臣羣吏萬民而詢之有司以序進而

問

立適以長至序進而問左傳正義脫載

周禮小司寇掌外朝

之政以致萬民而詢焉其三曰詢立君其位

王南鄉三公及州長百姓北面羣臣西面羣

吏東面小司寇以序進而問焉如此則大眾

民國甲戌

談左氏書

三三江都朱氏

之口

周禮疏口作中

非君所能掩是王不得立愛之

法也禮有詢立君示義在此短之言謬失春

秋興禮之義矣

左傳正義脫禮有詢立

公卿

之世有大功德先王命所不絕者

周禮疏世下有立者

二字無大字先王下有之字命下有有字絕

誤犯無者字詩正義有作立先王下有有字字命下亦是大功特命則得世位也

左傳正義周禮

疏均無此句正義周禮春官大卜疏禮記檀弓正義詩文王正義

通德堂經解

逸書考

釋穀梁廢疾

甘泉黃奭學

隱公

元年天王使宰咺來歸惠公仲子之賵廢

疾缺

釋云平王新有幽王之亂遷于成周欲崇禮
于諸侯原情免之若無事而晚者去來以譏
之榮叔是也

禮記雜
記正義

傳仲子者何惠公之母孝公之妾也廢疾

釋穀梁廢疾

缺

釋云若仲子是桓之母桓未爲君則是惠公之妾天王何以贈之則惠公之母亦爲仲子也疏

公子益師卒傳大夫日卒正也不日卒惡也廢疾云公羊以爲日與不日爲遠近異辭若穀梁云益師惡而不日則公子牙及季孫意如何以書日乎

釋曰公子牙莊公弟不書弟則惡明也故不

假去日季孫意如則定公所不惡故亦書日
疏

五年傳苞人民毆牛馬曰侵斬樹木壞宮
室曰伐廢疾云廢焚孔子曰傷人乎不問
馬今穀梁以苞人民爲輕斬樹木壞宮室
爲重是理道之不通也

釋曰苞人民毆牛馬兵去則可以歸還其爲
壞宮室斬樹木則樹木斷不復生宮室壞不
自成爲毒害更重也
疏

桓公

四年傳四時之田皆爲宗廟之事也春曰
田夏曰苗秋曰蒐冬曰狩廢疾云運斗樞
曰夏不田穀梁有夏田於義爲短

釋云四時皆田夏殷之禮詩云之子于苗選
徒囂囂夏田明矣孔子雖有聖德不敢顯然
改先王之法以教授于世若其所欲改具陰
書於緯藏之以傳後王穀梁四時田者近孔
子故也公羊正當六國之亡讖緯見讀而傳

爲三時田作傳有先後雖異不足以斷穀梁也

八年傳遂繼事之辭也其曰遂逆王后故略之也或曰天子無外王命之則成矣廢疾缺

釋云大姒之家在邠之陽在渭之涘文王親迎于渭卽天子親迎之明文矣天子雖尊其于后猶夫婦夫婦配合禮同一體所謂無敵豈施此哉禮記哀公問曰冕而親迎不已重

乎孔子愀然作色而對曰合二姓之好以繼
先聖之後以爲天地宗廟社稷之主君何謂
已重焉此言親迎繼先聖之後爲天地宗廟
社稷之主非天子則誰

集解

十三年傳其不地于紀也廢疾云春秋戰
無不地卽于紀戰無爲不地也

釋云紀當爲己謂在魯也字之誤耳時在龍
門城下之戰迫近故不地

集解

莊公

四年傳不言滅而曰大去其國者不使小人加乎君子廢疾云春秋楚世子商臣弑其君其後滅江六不言大去又大去者於齊滅之不明但知不使小人加乎君子而不言滅縱失襄公之惡反爲大去也

釋云商臣弑其父大惡也不得但爲小人江大之君又無紀侯得民之賢不得變滅言大去也元年冬齊師遷紀三年紀季以鄆入於齊今紀侯大去其國是足起齊滅之矣卽以

變滅言大去爲縱釋襄公之惡是乃經也非傳也且春秋因事見義舍此以滅人爲罪者自多矣

集解

六年傳王人卑者也稱名貴之也廢疾云稱子則非名也

釋云王人賤者錄則名可今以其銜命救衛故貴之貴之則子突爲字可知明矣此名當爲字誤爾

集解

九年傳公伐齊納糾當可納而不納齊變

而後伐故乾時之戰不諱敗惡內也廢疾
云三年溺會齊師伐衛故貶而名之四年
公及齊人狩于郕故卑之曰人今親納讐
子反惡其晚恩義相逢莫此之甚

釋云於讐不復則怨不釋而魯釋怨屢會仇
讐一貶其臣一卑其君亦足以責魯臣子其
餘則同不復譏也至於伐齊納糾譏當可納
而不納爾此自正義不相反也

集解

十八年傳不言日不言朔夜食也何以知

其夜食也曰王者朝日廢疾云春秋不言
月食日者以其無形故闕疑其夜食何緣
書乎

釋云一日一夜合爲一日今朔日日始出其
食有虧傷之處未復故知此自以夜食夜食
則亦屬前月之晦故穀梁子不以爲疑

集解

二十三年傳祭叔來聘不正其外交故不
與使也廢疾云南季宰渠伯糾家父宰周
公來聘皆稱使獨於此奪之何也

釋云諸稱使者是奉王命其人無自來之意
今祭叔有二心於王而欲外交不得王命來
故去使以見之

集解

三十二年秋七月癸巳公子牙卒廢疾云
傳例大夫不日卒惡也牙與慶父共淫哀
姜謀殺子般而日卒何也

釋云牙莊公母弟不言弟其惡已見不待去

日矣

集解

僖公

九年傳九月戊辰諸侯盟於葵邱桓盟不
日此何以日美之也廢疾云卽日爲美其
不日皆爲惡也桓公之盟不日皆爲惡邪
莊十三年柯之盟不日爲信至此日以爲
美義相反也

釋云柯之盟不日固始信之自其後盟以不
日爲平文從陽穀以來至此葵邱之盟皆令
諸侯以天子之禁而將衰故備日以
美之自此不復盟矣

集解

十一年傳雩得雨曰雩不得雨曰旱廢疾
云公羊書雩者善人君應變求索不雩則
言旱旱而不害物言不雨也就如穀梁設
本不雩何以明之如以不雨明之設旱而
不害物何以別乎

釋云雩者夏祈穀實之禮也旱亦用焉得雨
書雩明雩有益不得雨書旱明旱災成後得
雨無及也國君而遭旱雖有不憂民事者何
乃廢禮本不雩禱哉顧不能致精誠也旱而

不害物故以久不雨別之文二年十三年自
十有二月自正月不雨至於秋七月是也穀
梁傳曰歷時而言不雨文不閔雨也以文不
憂雨故不如僖時書不雨文所以不閔雨者
素無志於民性退弱而不明又見時久不雨
而無災耳

集解

十三年傳兵車之會也廢疾

缺

釋云自柯之明年葵邱以前去貫與陽穀固

已九合矣

莊二十七年疏

十四年傳諸侯城緣陵諸侯城有散辭也
桓德衰矣廢疾云案先是盟亦言諸侯非
散也又穀梁美九年諸侯盟于葵邱卽散
何以美之耶

釋云九年公會宰周公齊侯宋子衛侯鄭伯
許男曹伯于葵邱九月戊辰盟于葵邱時諸
侯初在會未有歸者故可以不序今此十三
年夏公會齊侯宋公陳侯衛侯鄭伯許男曹
伯于鹹而冬公子友如齊此聘也書聘則會

固前已歸矣今云諸侯城緣陵而不序其人

明其散桓德衰矣葵邱之事安得以難此

集解

十八年宋師及齊師戰于廩丘傳戰不言伐
客不言及言及惡宋也廢疾云戰言及者
所以別客主直不直也故文十三年晉人
秦人戰于河曲兩不直故不云及今宋言
及明直在宋非所以惡宋也卽言及爲惡
是河曲之戰爲兩善乎又穀梁以河曲不
言及略之也則自相反矣

釋云及者別異客主耳不施於直與不直也
直不直自在事而已義兵則客直宣十二年
夏晉荀林父帥師及楚子戰于邲晉師敗績
是也兵不義則主人直莊二十八年春衛人
及齊人戰衛人敗績是也今齊桓卒未葬宋
襄欲興霸事而伐喪於禮尤反故反其文以
宋及齊卽實以宋及齊明直在宋邲之戰直
在楚不以楚及晉何邪秦晉戰于河曲不言
及疾其亟戰爭舉兵故略其先後

集解

釋穀梁廢疾

邢人狄人伐衛伐衛所以救齊也廢疾云
卽伐衛救齊當兩舉如伐楚救江矣又傳
以爲江遠楚近故伐楚救江今狄亦近衛
而遠齊其事一也義異何也

釋云文三年冬晉陽處父帥師伐楚救江兩
舉之者以晉未有救江文故明言之今此春
宋公曹伯衛人邾人伐齊夏狄救齊冬邢人
狄人伐衛爲其救齊可知故省文耳事同義

文何異

集解

二十一年傳公會諸侯盟于薄釋宋公不言楚不與楚專釋也廢疾云春秋以執之爲罪不以釋之爲罪責楚子專釋非其理也公羊以爲公會諸侯釋之故不復出楚耳

釋云不與楚專釋者非以責之也傳云外釋不志此其志何也以公之與之盟日之也言公與諸侯盟而釋宋公公有功焉與公羊義

無違錯

集解

民國甲戌

畢及冬

十一江鄂朱氏

二十二年傳宋公及楚人戰于泓宋師敗績眾敗而身傷焉廢疾云卽宋公身傷當言公不當言師成十六年楚子敗績是也又成十六年傳曰不言師君重于師也卽成十六年是二十二年虛言也卽二十二年是十六年非也

釋云傳說楚子敗績曰四體偏斷此則目也此言君之目與手足有破斷者乃爲敗矣今宋襄公身傷耳當持鼓軍事無所害而師猶

敗故不言宋公敗績也傳所以言敗此字似當爲見蓋傳文也眾敗身傷焉者疾其信而不道以取大辱集解

二十三年傳宋公茲父卒不葬何也失民也其失民何也以其不教民戰則是棄其師也廢疾云所謂教民戰者習之也春秋貴偏戰而惡詐戰宋襄公所以敗于泓者守禮偏戰也非不教其民也孔子曰君子去仁惡乎成名造次必於是顛沛必於是

未有守正以敗而惡之也公羊似爲不書
葬爲襄公諱背殯出會所以美其有承齊
桓尊周室之美志

釋云教民習戰而不用是亦不教也詐戰謂
不期也既期矣當觀敵爲策倍則攻敵則戰
少則守今宋襄公于泓之戰違之又不用其
臣之謀而敗故徒善不用賢良不足以興霸
王之功徒信此字本誤作言不知權譎之謀
茲據箴膏肓改不足以交鄰國會遠疆故易譏鼎折足詩刺

不用良

集解

二十五年傳宋殺其大夫其不稱名姓以其在祖之位尊之也廢疾云曹殺其大夫亦不稱名姓豈可復以爲祖乎

釋云宋之大夫盡名姓禮公族有罪刑于甸師氏不與國人慮兄弟也所以尊異之孔子之祖孔父累於宋殤公而死今骨肉在其位而見殺故尊之隱而不忍稱名氏若罪大者名之而已使若異姓然此乃祖之疏也

疏云古本

或作禮之疏曹殺其大夫自以無大夫不稱名氏

耳春秋辭同事異者甚多隱去即位以見讓

莊去即位爲繼弑是復可以此例非之平

集解

楚人圍陳納頓子于頓蓋納頓子者陳也

廢疾云休以爲卽陳納之當舉陳何以不

言陳

釋云納頓子固宜爲楚也穀梁子見經云楚

人圍陳納頓子于頓有似晉陽處父伐楚救

汀之文故云蓋陳也

疏

二十七年傳其人諸侯何也不正其信夷狄而伐中國也廢疾云哀元年楚子陳侯隨侯許男圍蔡不稱人明不以此故也

釋云時晉文爲賢伯故譏諸侯不從而信夷狄也哀元年時無賢伯又何據而當貶之耶

集解

三十年傳以尊遂乎卑此言不敢叛京師也廢疾云大夫無遂事案襄十二年季孫宿救台遂人鄆惡季孫不受命而入也如

公子遂受命如晉不當言遂

釋云遂固受命如京師如晉不專受命于周
經近上言天王使宰周公來聘故公子遂報
焉因聘于晉尊周不敢使並命使若公子遂
自往然卽云公子遂如京師如晉是同周于
諸侯叛而不尊天子也公羊傳有美惡不嫌
同辭何獨不廣之于此乎

集解

文公

三年傳茅茨盡矣著于上見于下謂之雨

廢疾云蚤猶眾也死而隊者眾宋羣臣相

殘害也休公羊傳注作眾死而隊者羣臣將爭疆相殘害之象是後

大臣比爭鬪相殺司城驚逃子哀奔亡國

家廓然無人朝廷久空蓋由三世內娶貴

近妃族禍自疏於是後至此作上下注公羊云云依公羊注補

故異之云爾今穀梁直云茅茨盡矣著于

上見于下謂之雨與讖違是爲短

釋云穀梁意亦以宋德薄後將有禍故蚤飛

在上隊地而死言茅茨盡者著甚之驗于讖

何錯之有乎

疏

五年傳其不言來不周事之用也贈以早而含以晚廢疾云四年夫人風氏薨九年秦人來歸僖公成風之襚最晚矣何以言來

釋云天子于二王後之喪含爲先襚次之贈次之餘諸侯含之贈之小君亦如之于諸侯之臣襚之贈之其諸侯相於如天子于二王之後于卿大夫如天子于諸侯于士如天子

于諸侯之臣京師去魯千里王室無事三月
乃含故不言來以譏之秦自敗于殽之後與
晉爲讐兵無休時乃始免穆公之喪而來君
子原情不責晚疏

八年傳司馬官也其以官稱無君之辭也
廢疾云近上七年宋公王臣卒宋人殺其
大夫不言官今此在三年中言官義相違
釋云七年殺其大夫此實無君也今殺其司
馬無人君之德耳司馬司城君之爪牙守國

之臣乃殺其司馬奔其司城無道之甚故稱
官以見輕慢也傳例稱人以殺殺有罪也此
上下俱失之集解引至此止疏罪臣以權寵
逼君故稱人以殺君以非理殺臣故著言司
馬不稱名者以其世在祖之世尊亦與僖二
十五年宋殺其大夫同疏

宣公

二年傳以三軍敵華元華元雖獲不病矣
廢疾云書獲生獲也如欲不病華元當有

變文

釋云將帥見獲師敗可知不當復書師敗績此兩言之者明宋師懼華元見獲皆竭力以救之無奈不勝敵耳華元有賢行得衆如是雖師敗身獲適明其美不傷賢行今兩書敗獲非變文如何

集解

八年經有事于太廟廢疾

鉄

釋云宣八年六月有事于太廟禘而云有事者雖爲卿佐卒張本而書有事其實當時有

用七月而禘因宣公六月而禘得禮故變文言有事春秋因事變文見其得正也

禮記雜記正義

傳葬既有日不爲雨止禮也廢疾

缺

釋云雖庶人葬爲雨止公羊說卿大夫臣賤不能以雨止此等之說則在廟未發之時庶人及卿大夫亦得爲雨止若其已發在路及葬則不爲雨止其人君在廟及在路及葬皆爲雨止

禮記雜記正義

十年傳崔氏出奔衛氏者舉族而出之辭

也廢疾云氏者譏世卿也卽稱氏爲舉族
而出尹氏卒寧可復以爲舉族死乎

釋云云舉族元是何叔問甚乎舉族而出之
之辭者固譏世卿也崔杼以世卿專權齊人
惡其族令出奔豈不欲其身反又不欲國立
其宗後故孔子順而書之曰崔氏出奔衛若
其舉族盡夫之爾

集解

成公

七年傳冬大雩冬無爲雩也廢疾

缺

釋云冬及春夏春秋說考異郵三時唯有
禱禮無雪災之事唯四月龍星見始有常雪
耳故因載其禱詞山川辭云古今天旱野無
生稼寡人當死百姓何依不敢煩民請命願
無萬民以身塞無狀

疏

襄公

十九年冬三士勾帥師侵齊至穀聞齊侯
卒乃還還者事未畢之辭也受命而誅生
死無所加其怒不伐喪善之也善之則何

爲未畢也言不尸小事臣不專大名廢疾
云君子不求備於一人士句不伐喪純善
矣何以復實其專大功也

釋云士句不伐喪則善矣然于善則稱君禮
仍未備故言乃還不言乃復作未畢之辭還
者致辭復者反命

疏

二十七年陳侯之弟光出奔楚廢疾

缺

釋云惡陳侯也

疏

二十七年肅侯之弟專出奔晉傳專之去

合乎春秋廢疾云甯喜本弑君之家獻公
過而殺之小人也專以君之小負自絕非
大義也何以合乎春秋

釋云甯喜雖弑君之家本專與約納獻公爾
公由喜得入己與喜以君臣從事矣春秋撥
亂重盟約今獻公背之而殺忠于己者是獻
公惡而難親也獻公既惡而難親專又與喜
爲黨懼禍及君干見幾而作不俟終日微
子去紂孔子以爲三仁專之去衛其心若此

合于春秋不亦宜乎

三十年傳夏四月蔡世子般弑其君固其
不日子奪父政是謂夷之廢疾云蔡世子
般弑其君固不日謂之夷楚世子商臣弑
其君何以反書日邪

釋云商臣弑父日之嫌夷狄無禮罪輕也今
蔡中國而又弑父故不日之若夷狄不足責
然公羊有若不疾乃疾之推以況此則無怪
然疏

昭公

十一年傳執蔡世子友其曰世子何也不
與楚殺也廢疾云卽不與楚殺當貶楚爾
何故反貶蔡稱世子邪

釋云滅蔡者楚子也而稱師固已貶矣楚子
思啟封疆而貪蔡誘殺蔡侯般冬而滅蔡殺
友惡其淫放其志殺蔡國二君以取其國故
變子言世子使若不得其君然

集解

十二年傳晉伐鮮虞其曰晉狄之也其狄

之何也不正其與夷狄交伐中國廢疾云
春秋多與夷狄竝伐何以不狄也

釋云晉不見因會以綏諸夏而伐同姓貶之
可也狄之人重晉爲厥愍之會實謀救蔡以
入國之師而不救楚終滅蔡今又伐徐晉不
糾合諸侯以遂前志舍而伐鮮虞是楚而不
如也故狄稱之焉

集解

定公

十二年傳叔孫州仇帥師墜郕墜猶取也

廢疾云當言取不言墮

釋云實壞耳無取於訓詁

疏

哀公

六年傳齊陽生入于齊齊陳乞弑其君荼以陳乞主之何也不以陽生君荼也陽生其以國氏何也取國于荼也廢疾云卽不使陽生以荼爲君不當去公子見當國也又穀梁以爲國氏者取國于荼齊小白又不取國于子糾無乃近自相反乎

釋云陽生篡國故不言公子不使君荼謂書
陳乞弑君爾荼與小白其事相似荼弑乃後
立小白立乃後弑雖然俱篡國而受國焉爾
傳曰齊小白入于齊惡之也陽生其以國氏
何取國于荼也義適互相足又何自反乎子
糾宜立而小白篡之非受國于子糾則將誰
乎

集解

附凡四條見范氏集解但云鄭君曰而無
何休之難且不言釋未知爲釋廢疾與
却駁異義與姑

附以俟更攷

民國甲戌

畢受民後天

三江都朱氏

眾星列宿諸侯之象不見者是諸侯棄天子

禮義法度也

莊七年恆星不見集解

會為大事伐為小事今齊桓伐楚而後盟于

召陵公當致會而致伐者楚靈莫能伐者故

以伐楚為大事

僖四年公至自伐楚集解

伐而致會於伐事不成

成十六年公至自會集解

蒯聵欲殺母靈公廢之是也若君薨有反國

之道當稱子某如齊子糾也今稱世子如君

存是春秋不與蒯聵得廢立明矣

哀二年晉納衛世子

集解